

ქ. ფოთი

29.12.2016 წ.

სსიპ პროფესიული კოლეჯი „ფაზისი“ (შემდგომში „დამკვეთად“ წოდებული), დირექტორის ნინო ბაკურაძის სახით, ერთი მხრივ და საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის სამეგრალო-ზემო სვანეთის რეგიონალური დაცვის პოლიციის სამმართველო (შემდგომში „დაცვად“ წოდებული), უფროსის მერაბ ლიპარტიას სახით, მეორე მხრივ, ვდებთ წინამდებარე ხელშეკრულებას შემდეგზე:

#### მუხლი 1. ხელშეკრულების საგანი

- 1.1 „დაცვა“ უზრუნველყოფს „დამკვეთის“ - სსიპ პროფესიული კოლეჯი „ფაზისი“-ს სახელოსნოსა (შემდგომში „ობიექტად“ წოდებული) და ცალ-ცალკე შერჩეული ოთახების დაცვას (შემდგომში „ობიექტად“ წოდებული, სულ 3 ობიექტი), რომლებიც მდებარეობს მისამართზე: ქ. ფოთი, კონსტიტუციის ქ. N54;
- 1.2 „ობიექტების“ დაცვა განხორციელდება ცალ-ცალკე „დამკვეთის“ მიერ თვითონეული „ობიექტის“ დაცვის ცენტრალიზებულ პუნქტზე ჩაბარებისა და „დაცვის“ მიერ ობიექტის დაცვაში აყვანის შემდეგ;
- 1.3 თვითონეული „ობიექტის“ დაცვას განახორციელებს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის სამეგრელო-ზემო სვანეთის რეგიონალური დაცვის პოლიციის სამმართველო.
- 1.4 შესყიდვის საშუალება - გამარტივებული შესყიდვა;
- 1.5 შესყიდვის კატეგორია 79700000 - გამოძიებასთან და უსაფრთხოებასთან დაკავშირებული მომსახურეობები; კლასიფიკაცია (CPV) კოდი - 79713000 - დაცვის მომსახურება.

#### მუხლი 2. ანგარიშსწორების პირობები

- 2.1 დაცვის მომსახურეობის ღირებულება ერთ თვეში სსიპ პროფესიული კოლეჯი „ფაზისი“-ს სახელოსნოსა(ობიექტი) და ცალ-ცალკე თვითონეულ შერჩეულ ოთახებში(„ობიექტზე“) (სულ 3 ობიექტი) განისაზღვრება დანართი N1-ის შესაბამისად.
- 2.2 დაცვის მომსახურების წლიური ღირებულება სულ შეადგენს 2160 (ორიათას ას სამოცი ) ლარს დღგ-ს ჩათვლით;
- 2.3 ანგარიშსწორება მხარეთა შორის განხორციელდეს ყოველი საანგარიშო თვის დასრულებიდან მომდევნო თვის ათ რიცხვამდე;
- 2.4 „დაცვის“ მომსახურების საგადასახადო დოკუმენტაციის გამოწერას უზრუნველყოფს სსიპ დპდ სამეგრელო-ზემო სვანეთის რეგიონალური დპ სამმართველო;

#### მუხლი 3. მხარეთა ვალდებულებები

##### „დაცვა“ ვალდებულია:

- 3.1.1 დროებით სარგებლობაში უსასყიდლოდ გადასცეს „დამკვეთს“ რადიო გადამცემი, რადიო გადამცემის ყუთი, რადიო გადამცემის პლატა და უზრუნველყოს მათი მონტაჟი-ინსტალაცია;
- 3.1.2 ცენტრალიზებული დაცვის პულტზე განვაშის მიღებიდან არაუგვიანეს 7 (შვიდი) წუთისა მოახდინოს „ობიექტზე“ გამოცხადება და ადგილზე მისვლის შემდეგ, „ობიექტზე“ მომხდარი სამართალდარღვევის ფაქტის შესახებ, დაუყოვნებლივ აცნობოს „დამკვეთს“ და უზრუნველყოს შესაბამისი ორგანოების გამოძახება, ხოლო მათ მოსვლამდე დაიცვას შემთხვევის ადგილის ხელშეუხებლობა;
- 3.1.3 „დამკვეთს“ ფაქტიური ზარალი აუნაზღაუროს სასამართლოს კანონიერ ძალაში შესული გადაწყვეტილების საფუძველზე;
- 3.1.4 სიგნალ „განვაშის“ მიღებისას ობიექტის გასახსნელად, სიგნალის ამუშავების მიზეზის დასადგენად, აგრეთვე ობიექტის ხელმეორედ დაცვაზე ასაყვანად, გამოიძახოს „დამკვეთი“ ან ობიექტის მიღება-ჩაბარებაზე პასუხისმგებელი პირი;
- 3.1.5 არ მიიღოს „ობიექტი“ დაცვაში, თუ შეიქმნა ისეთი პირობები, რომელთა გამოც, „დაცვისგან“ დამოუკიდებელი მიზეზებით არ ხერხდება დაცვაში აყვანა, რაზედაც „დამკვეთს“ ეცნობება წინასწარ;
- 3.1.6 იკისროს პასუხისმგებლობა მხოლოდ იმ ზარალისათვის, რომელიც გამოიწვია „დაცვის“ ვალდებულებების არაჯეროვანმა შესრულებამ და არა „დამკვეთის“ დაუდევრობამ.

### 3.2. "დამკვეთი" ვალდებულია:

- 3.2.1 „ობიექტების” დაცვაზე მიღება-ჩაბარებისათვის ოფიციალურად გამოყოს პასუხისმგებელი (ნდობით აღჭურვილი) პირი და გადასცეს მას სიგნალიზაციით სარგებლობის ან ხელშეკრულებით გათვალისწინებული სხვა ვალდებულებების შესრულების უფლება;
- 3.2.2 განგაშის შემთხვევაში "დაცვას" მისცეს დასაცავი "ობიექტის" გახსნისა და დათვალიერების საშუალება;
- 3.2.3 უცხო პირებს არ გაანდოს დაცვის ტექნიკური საშუალებების გამოყენების წესები, „ობიექტზე” მინიჭებული პირობითი ნომერი;
- 3.2.4 სიგნალიზაციის გაუმართაობის შემთხვევაში დაუყოვნებლივ აცნობოს ამის შესახებ "დაცვას", დაელოდოს "დაცვის" წარმომადგენლის გამოცხადებას და ნაკლოვანებების აღმოფხვრას;
- 3.2.5 ელექტროენერგიის ავარიული გამორთვის შემთხვევაში იქონიოს გამართულ მდგომარეობაში დასამუხტი და სარეზერვო მკვებავი საშუალებები;
- 3.2.6 წინამდებარე ხელშეკრულების 3.1.1 პუნქტში მითითებული მოწყობილობების (რომლებიც წარმოადგენს შს სსიპ - დაცვის პოლიციის დეპარტამენტის საკუთრებას და „დაცვის” მიერ საკუთარი ხარჯებით არის დამონტაჟებული "დამკვეთი"-ს მიერ დამკვეთის შემთხვევაში 5 სამუშაო დღის განმავლობაში აანაზღაუროს მიყენებული ზარალი განსაზღვრული დაცვითი - საგანგაშო სიგნალიზაციის სისტემის მონტაჟ - ინსტალაციის მიღება - ჩაბარების აქტის „ბ“ პუნქტით;
- 3.2.7 მხოლოდ დაცვასთან შეთანხმებით, გადასცეს პასუხისმგებელ (ნდობით აღჭურვილ) პირს „ობიექტზე” შესვლის, სიგნალიზაციით სარგებლობისა და ხელშეკრულების 3.2.2, 3.2.3, 3.2.4 პუნქტებით გათვალისწინებული ვალდებულებების შესრულების უფლება;
- 3.2.8 უზრუნველყოს მოკვლევის აქტით განსაზღვრული მოთხოვნების შესრულება;
- 3.2.9 არ დაუშვას "შემსრულებლის" მიერ დამონტაჟებული აპარატურის გადაკეთება ან შეკეთება დაცვის პოლიციის დეპარტამენტის წარმომადგენლის გარეშე. წინააღმდეგ შემთხვევაში დაცვა არ აგებს პასუხს „დამკვეთის” თვითნებული მოქმედებით გამოწვეულ გაუმართაობაზე (შეფერხებაზე) და „დამკვეთისათვის” მიყენებულ ზიანზე;
- 3.2.10 რეკვიზიტების (მისამართი, საკონტაქტო ტელეფონები) შეცვლის შემთხვევაში, დაუყოვნებლივ აცნობოს "დაცვას".
- 3.2.11 ხელშეკრულების შეწყვეტის შემთხვევაში, დაცვითი-საგანგაშო სიგნალიზაციის სისტემის მონტაჟ-ინსტალაციის მიღება-ჩაბარების აქტის „ბ“ პუნქტით განსაზღვრული მოწყობილობების შემოწმებისა და დემონტაჟის მიზნით, ვალდებულია უზრუნველყოს დაცვის წარმომადგენლების დაშვება ობიექტებზე;

### მუხლი 4. ფორს-მაჟორი

4.1. მხარეები თავისუფლდებიან ხელშეკრულებით გათვალისწინებული ვალდებულებების შესრულებისგან ფორს-მაჟორული შემთხვევების დროს, რომლის დროსაც შეუძლებელია დაკისრებული მოვალეობათა შესრულება და რაც დადასტურებულია სათანადო ორგანოების მიერ.

### მუხლი 5. ხელშეკრულების მოქმედების ვადა

5.1 ხელშეკრულების მომსახურების ვადა განისზღვროს 2017 წლის 1 იანვრიდან 2017 წლის 31 დეკემბრის ჩათვლით.

5.2 ხელშეკრულების მოქმედების ვადა განისაზღვროს 2017 წლის 1 იანვრიდან 2018 წლის 31 იანვრის ჩათვლით.

### მუხლი 6. ხელშეკრულების სხვა პირობები

- 6.1 წინამდებარე ხელშეკრულების განუყოფელ ნაწილს წარმოადგენს მხარეთა შორის გაფორმებული „ობიექტის” მოკვლევის აქტი და დაცვითი-საგანგაშო სიგნალიზაციის სისტემის მონტაჟ-ინსტალაციის სამუშაოების მიღება-ჩაბარების აქტი;
- 6.2 „დაცვა” მატერიალურ პასუხისმგებლობას იხსნის, თუ „დამკვეთი” არ განახორციელებს მოკვლევის აქტში „დაცვის” მიერ მითითებული რეკომენდაციების შესრულებას;
- 6.3 „დაცვა” უფლებამოსილია ზარალის ოდენობის განსაზღვრის მიზნით მონაწილეობა მიიღოს შედარების აქტის შედგენაში, რომელიც უნდა ეყრდნობოდეს „დამკვეთის” საბუღალტრო დოკუმენტაციას და ადასტურებდეს დაცვის პოლიციის დეპარტამენტის შესაბამისი დანაყოფის ხელმძღვანელობის ხელისმოწერა;
- 6.4 „დამკვეთი” ვალდებულია, ზიანის დადასტურების შემთხვევაში 3.2.6 ქვეპუნქტში მითითებული თანხის გადახდა უზრუნველყოს 5 სამუშაო დღის განმავლობაში;

- 6.5 „დაცვა” უფლებამოსილია ცალმხრივად შეწყვიტოს ხელშეკრულება;
- 6.6 ხელშეკრულების ცალმხრივად შეწყვეტისას, მხარეები ხუთი დღით ადრე წერილობით აცნობებენ ერთმანეთს მიღებული გადაწყვეტილების შესახებ;
- 6.7 „დამკვეთს“ ორი თვის დაცვის მომსახურეობის გადაუხდელობის შემთხვევაში დაეკისრება პირგასამტებლოს გადახდა ყოველ ვადაგადაცილებულ დღეზე სახელშეკრულებო თანხის 0.2 პროცენტის ოდენობით;
- 6.8 „დამკვეთის” მიერ ხელშეკრულებით გათვალისწინებული ვალდებულებების შეუსრულებლობის ან სახელშეკრულებო თანხის გადაუხდელობის შემთხვევაში „დაცვა” უფლებამოსილია ცალმხრივად შეწყვიტოს ხელშეკრულება;
- 6.9 „დაცვა” უფლებამოსილია ცალმხრივად მიიღოს გადაწყვეტილება დაცვის მომსახურების ტარიფის ცვლილებების შესახებ, რომელიც წერილობით ეცნობება „დამკვეთს” ერთი თვით ადრე;
- 6.10 „დაცვა”, ობიექტის დაცვის მომსახურეობის შეწყვეტიდან არაუმეტეს 7 სამუშაო დღის განმავლობაში, განახორციელებს 3.1.1 ქვეპუნქტში მითითებული მოწყობილობების (რომლებიც წარმოადგენს შსს სსიპ – დაცვის პოლიციის დეპარტამენტის საკუთრებას და დროებით სარგებლობაში უსასყიდლოდ არის გადაცემული „დამკვეთი”-სათვის) შემოწმებას და დემონტაჟს;
- 6.11 დამკვეთის მოთხოვნის შემთხვევაში, დაცვა ვალდებულია გასცეს დამკვეთზე დამატებითი ერთჯერადი ოთხნიშნა კოდი (შემდგომში - „კოდი”);
- 6.12 დამკვეთის მიერ კოდი გამოიყენება მხოლოდ იმ შემთხვევებში, როდესაც ობიექტზე მართლსაწინააღმდეგო შეღწევა ან შეღწევის მცდელობა ხორციელდება დამკვეთზე ან მის უფლებამოსილ პირზე მათი სიცოცხლის და/ან ჯანმრთელობისათვის საშიში რეალური მუქარის საფუძველზე;
- 6.13 კოდის გამოყენების შემთხვევაში, იგი უქმდება და მოთხოვნის შემთხვევაში გაიცემა ახალი კოდი;
- 6.14 კოდის გაცემის ღირებულება 15 (თხუთმეტი) ლარი დღგ-ს ჩათვლით, რომელსაც დამკვეთი იხდის სააბონენტო გადასახადთან ერთად, ოთხნიშნა კოდის გადაცემისა და შესაბამისი მიღება-ჩაბარების აქტის გაფორმების შემდეგ;
- 6.15 საჭიროების შემთხვევაში „დამკვეთი” უფლებამოსილია ობიექტის გახსნის მიზნით, ობიექტის გასაღების დუბლიკატი შესაბამის კოდთან ერთად მიღება-ჩაბარების აქტით გადასცეს „დაცვას”;
- 6.16 მხარეები თანხმდებიან, რომ „დაცვის მიერ გასაღები გამოყენებული იქნება მხოლოდ იმ შემთხვევაში, თუ სიგნალ „განგაშის” შემოსვლისას ვერ ხერხდება „დამკვეთთან” ან მისი ნდობით აღჭურვილ პირთან დაკავშირება;
- 6.17 დამკვეთი აცხადებს წინასწარ თანხმობას, რომ წინამდებარე ხელშეკრულების 6.15 პუნქტით განსაზღვრულ შემთხვევაში გასაღების გამოყენება ჩაითვლება მართლზომიერ გამოყენებად და მას არ ექნება არანაირი პრეტენზია „დაცვის” მიმართ;
- 6.18 სადაც საკითხებს მხარეები წყვეტენ ურთიერთშეთანხმებით, ხოლო შეთანხმების მიუღწევლობის შემთხვევაში სასამართლოს მეშვეობით;
- 6.19 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წარმოადგენს ხელშეკრულების შემადგენელ და განუყოფელ ნაწილს;
- 6.20 ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, რომელთაგან, ერთი ინახება „დამკვეთთან, ხოლო სამი „დაცვასთან”.

#### მხარეთა რეკვიზიტები და ხელმოწერები

<p><b>„დაცვა”</b></p> <p>შსს სსიპ სამეცნიერო-ზემო სვანეთის რეგიონალური დაცვის პოლიციის სამმართველო, ს/კ N211350928 ქ. ფოთი, მშვიდობის ქ.N6 . მიმღების ბანკი: სახელმწიფო ხაზინა, მიმღების დასახელება: ხაზინის ერთიანი ანგარიში, ბანკის კოდი TRESGE22, მიმღების ანგარიში/ სახაზინო კოდი N707117041.</p> <p>სამმართველოს უფროსი</p>   <p>/მ.ლიპარტია/</p>	<p><b>„დამკვეთი”</b></p> <p>სსიპ პროფესიული კოლეჯი „ფაზისი“, ს/კ N215101716, ქ.თბილი, კონსტიტუციის ქ.N54.</p> <p>ტელ.: 577 57 11 19</p> <p>დირექტორი</p>   <p>/ ნ.ბაკურაძე/ *</p>
---	---

სსიპ პროფესიული კოლეჯი „ფაზისი“ -ს სახელოსნოსა და  
შერჩეული ოთახების ((დასაცავი ობიექტები, სულ 3 ობიექტი))  
დაცვის მომსახურების ფასების ცხრილი

დასაცავი ობიექტების დასახელება	ცენტრალური დაცვის პულტზე გასაღების რაოდენობა	ყოველთვიური მომსახურების თანხა დღგ-ს ჩათვლით ლარი	წლიური ჯამური თანხა დღგ-ს ჩათვლით
სსიპ პროფესიული კოლეჯი „ფაზისი“-ს სახელოსნო	1	40	480
სსიპ პროფესიული კოლეჯი „ფაზისი“-ს II და III სართულზე შერჩეული ოთახები.	1	40	480
სსიპ პროფესიული კოლეჯი „ფაზისი“-ს ბიბლიოთეკის, საკონფერენციო დარბაზის და სასტუმრო საქმის მწარმოებელთა ოთახი.	1	40	480
სსიპ პროფესიული კოლეჯი „ფაზისი“-ს სხვადასხვა დანიშნულების ოთახები და კომპიუტერული ტექნიკით აღჭურვილი სასწავლო ოთახები (5 ოთახი)	2	60	720
ჯამი	5 (გასაღები)	180 ლარი	2160 ლარი

„დამკვეთი“

დირექტორი



„შემსრულებელი“

რეგიონალური დაცვის პოლიციის

სამმართველოს უფროსი



„ვეთანხმები“

ორგანიზაციული უზრუნველყოფის განყოფილების  
მთავარი სპეციალისტი (იურისტკონსულტი)  
პოლიციის მაიორი

 / მ.აბაშიძე/

„ვეთანხმები“

ორგანიზაციული უზრუნველყოფის განყოფილების  
უფროსი, პოლიციის კაპიტანი

 / ლ. გელენავა/